

Broj: 09-11-6-8-2578-6/24
Sarajevo, 22.05.2024. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br. 39/14 i 59/22), a na prijedlog Komisije za javne nabavke, imenovane Rješenjem, broj: 03-04-3-1582/24 od 28.02.2024. godine, federalni ministar financija/finansija **d o n o s i**

ODLUKU
o izboru najpovoljnijeg ponuđača za javnu nabavu roba –
nabava IP telefona (oprema za prijenos glasa)

I

U cilju odabira najpovoljnijeg ponuđača, nakon provedenog postupka javne nabave roba – nabava IP telefona (oprema za prijenos glasa), evidencijski broj nabavke: 09-11-6-8-2578-1/24, broj Obavještenja o nabavci sa portala javnih nabavki: 810-7-1-15-3-8/24 od 29.04.2024. godine, Sažetak Obavijesti o nabavi objavljen u „Službenom glasniku BiH – Oglasnik javne nabave“, broj: 30/24, kao prihvatljiva ponuda ocijenjena je ponuda ponuđača:

- **SILNICA d.o.o. Sarajevo, s ukupnom cijenom ponude, u iznosu 12.340,00 KM bez PDV-a.**

II

Ponuda ponuđača iz tačke I ove odluke ocijenjena je prihvatljivom, u skladu sa članom 2. stav (1) tačka I) podtačka 1) Zakona o javnim nabavkama.

III

Za realizaciju ove odluke zadužuje se Sektor za ekonomske, finansijske i zajedničke poslove ovog Ministarstva.

IV

Odluka stupa na snagu danom donošenja i objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste ponuđaču koji je učestvovao u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka, broj: 09-11-6-8-2578/24 od 28.03.2024. godine. Javna nabavka provedena je putem konkurentskog zahtjeva za dostavu ponuda. Procijenjena vrijednost nabavke iznosila je 14.000,00 KM bez PDV-a i predviđena je Planom javnih nabavki za 2024. godinu Ministarstva, dio Robe, pod rednim brojem 3. – Nabava IP telefona (oprema za prijenos glasa). Obavijest o nabavci, broj: 810-7-1-15-3-8/24 poslana je na objavu 29.04.2024. godine, te je zajedno sa Tenderskom dokumentacijom, istog dana objavljena na portalu javnih nabavki. Sažetak Obavijesti o nabavi objavljen je „Službenom glasniku BiH - Oglasnik javne nabave“, broj: 30/24.

Tendersku dokumentaciju preuzelo je 18 privrednih subjekata, a 1 ponuđač dostavio je ponudu u predmetnom postupku nabavke. Ponuda je dostavljena blagovremeno od strane ponuđača SILNICA d.o.o. Sarajevo.

Komisija za javne nabavke, imenovana Rješenjem, broj: 03-04-3-1582/24 od 28.02.2024. godine, izvršila je pregled i evaluaciju pristigle ponude, te konstatirala da je ponuda ponuđača SILNICA d.o.o. Sarajevo prihvatljiva.

Za ovaj postupak, Ugovorni organ je predvidio provođenje e-aukcije, ali s obzirom da je samo jedna ponuda pristigla, postupak se okončava u skladu sa članom 69. Zakona.

Nakon izvršenog pregleda i evaluacije pristigle ponude, Komisija je dostavila federalnom ministru financija/finansija Zapisnik o pregledu i ocjeni ponuda, broj: 09-11-6-8-2578-5/24 od 21.05.2024. godine zajedno sa Preporukom o izboru najpovoljnijeg ponuđača SILNICA d.o.o. Sarajevo, s registriranim sjedištem u Sarajevu, ID broj: 4200483870004.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno postavljenim uvjetima iz Tenderske dokumentacije. U postupku ocjene provedenog postupka, federalni ministar nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Izabrani ponuđač dostavio je prihvatljivu ponudu u skladu sa članom 2. stav (1) tačka l) podtačka 1) Zakona o javnim nabavkama.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi putem Ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke. Žalba se podnosi u najmanje 3 (tri) primjerka.

MINISTAR
Toni Kraljević



Dostaviti:

1. SILNICA d.o.o. Sarajevo
2. U dokumentaciju Komisije
3. Sektoru za ekonomske, finansijske i zajedničke poslove
4. a/a